

Relato di Prensa

Postbus 1163, Oranjestad, Aruba

Havenstraat 2
Oranjestad
Aruba
T ++ (297) 521 4100
F ++ (297) 521 4190

Na Tur media
Di Ministerio Publico
Fecha 28 maart 2017
Pagina's 2

Minister di Labor sospechoso den investigacion penal

Bao guia di Ministerio Publico di Aruba, Landsrecherche, den cooperacion cu RST (Recherche Samenwerkings Team) y Cuerpo Policial di Aruba a investiga posible casonan di corrupcion activo y pasivo. E investigacion aki a dirigi su mes riba e sospecho cu e Minister di Asuntonan Social, Hubentud y Labor, conhuntamente cu varios di su trahadornan, a tuma regalonan, promesanan y/of servicionan relaciona cu ontheffingnan di e arbeidsmarkttoets, dor di cual stranheronan a wordo poni den oportunidad pa haya permisonan laboral.

Durante e investigacion, e sospecho a surgi cu e Minister a haci su mes culpable na ambtsmisbruik y a duna personanan cu no tabata mag di traha na Aruba a base di nan verblijfstitel, oportunidad pa traha na Aruba. Tambe e sospecho a lanta cu e Minister a haci su mes culpable, conhuntamente cu otro, di intencionalmente laba placa di e sobornonan ricibi.

E sospecho ta cu e ambtelijke corruptie ta consisti primordialmente di pidi y/of tuma sobornonan en cambio di ontheffing di e arbeidsmarkttoets. Un arbeidsmarkttoets positivo di Departamento di Progreso Laboral (DPL), of un ontheffing di e toets aki, ta un condicion pa dunamento un permiso di trabao na Aruba dor di Departamento di Integracion Maneho y Admision di Stranhero (DIMAS).

Den cuadro di e investigacion, a tene huiszoekingnan awe na 13 diferente lugar (casnan, empresanan y un fundacion), bao guia di dos huez-comisario encarga cu tratamiento di casonan penal. Den e huiszoekingnan aki, tabata envolvi personal di Landsrecherche, RST, Cuerpo Policial, FIOT (Fiscale Inlichtingen en OpsporingsTeam), FIOD (Fiscale Inlichtingen en Opsporingsdienst di Hulanda) y Marechaussee, cu sosten di otro partnernan strategico.

Durante e huiszoekingnan a confisca administracion y gegevensdragers. Nan lo dura henter dia, segun expectativa.

Na e momento aki, Ministerio Publico a opta pa no detene e sospechosonan.

Ministerio Publico y e team investigativo kier prome analisa e documentonan tuma den beslag y demas informacion, y scucha testigonan pa sigui sostene e sospechonan. Relaciona cu e

resultadonan di e analisis y e verhoornan, lo tuma decisionnan tocante persecucion, caminda no ta exclui cu detencionnan lo cay mas despues.